

Nr.regj. 14832/2012

GJYKATA KOMUNALE PËR KUNDËRVAJTJE NË PRISHTINË, duke vendosur në procedurën për kundërvajtje kundër të pandehurit Murteza Osdautaj nga Prishtina, për kundërvajtje nga neni 8 lidhur me nenin 5.1 dhe 6.2 të ndëshkuar me nenin 17 parag. 1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik, Nr. 04/L-050, në bazë të nenit 73.74.95.199 të Ligjit mbi Kundërvajtjet GZK 23/79, me datë **30.06.2012** merr këtë:

AKTVE N D I M

I PANDEHURI: Murteza Nezir Osdautaj, i lindur më 15.04.1964 në Ishatin Isniq, tani jeton në Prishtinë, me vendbanim në rrugë "Lidhja e Prizrenit", drejtor i Departamentit të Shkencës dhe Teknologjisë në Ministrinë e Arsimit, Shkencës dhe Teknologjisë, me shkollim superior, i martuar, babë i katër fëmijëve, i gjendjes së mesme ekonomike,

			
Dep.	DPK/DMP	Nr. Prot.	03-2741/12
Dep.		Bi. Prot.	
Dep.		Prot No.	
Nr. i faq.	02	Data	03.08.2012
Shk. Shkencës dhe Teknologjisë		Datum	

Ë s h t ë P ë r g j e g j ë s

Sepse, si Zyrtar i Lartë Publik, në pozitë të Drejtorit të Departamentit të Shkencës dhe Teknologjisë në Ministrinë e Arsimit, Shkencës dhe Teknologjisë, nuk e ka bërë deklarinimin e rregullt të gjendjes së pasurisë në Agjencinë Kundër Korrupsionit, brenda afatit ligjor deri më 31.03.2012,

- me çka ka kryer kundërvajtje nga neni 8 lidhur me nenin 5.1 dhe 6.2 të ndëshkuar me nenin 17 parag.1.1 të Ligjit për Deklarimin, Prejardhjen dhe Kontrollin e Pasurisë dhe të Dhuratave të Zyrtarëve të Lartë Publik, andaj të pandehurit për këtë kundërvajtje i shqiptohet,

D Ë N I M I

Me gjobë në shumë prej 1500 € (Njëmijëepesëqind euro) të cilën shumë i pandehuri është i obliguar ta paguaj në afat prej 15 ditësh, pasi që ky aktvendim të merr formë e prerë, në llogarinë e të hyrave gjyqësore të KGJK-së No.1000 4300 7000 0518. Paga bëhet në ndonjërin agjenci për mbledhjen e të hyrave-bankë, përmes urdhërpagesës së plotësuar nga Gjykata. Nëse gjobën e shqiptuar nuk e paguan në afatin e dhënë, e njëjta do të zëvendësohet me dënim burgimi në kohëzgjatje prej 30 ditësh, duke llogaritur nga 15 Euro për një ditë burgimi.

Shpenzime të procedurës nuk ka pasur, kurse në emër të paushallit gjyqësor i pandehuri është i obliguar të paguaj shumë prej 5 Euro në shërbimin e arkës së gjykatës.

Nga një kopje e këtij aktvendimi i dërgohet parashtruesit të kërkesës dhe të pandehurit.

A r s y e t i m

Agjencia Kundër Korrupsionit në Prishtinë, i parashtroi kësaj gjykate Kërkesën 01-1615/2012 me datë 02.05.2012 për fillimin e procedurës kundërvajtëse ndaj të pandehurit të lartshënuar për kundërvajtjen e precizuar si në dispozitiv të këtij aktvendimi.

Në bazë të kërkesës së parashtruar, gjyqtarja filloi procedurën kundërvajtëse, mori në pyetje të pandehurin i cili në mbrojtjen e vet deklaroi se e pranon kundërvajtjen e cila i vihet në barrë duke shtuar se në pozitën e drejtorit të departamentit për Shkencë dhe Teknologji ka qenë që nga viti 2007 dhe se në vitet paraprake ka bërë deklarinimin e rregullt të pasurisë në AAK, se edhe këtë vit ka qenë i njoftuar me kohë nga personeli i Agjencisë, por këtë vit nuk ka arritur të përmbushë me kohë obligimin e deklarimit të pasurisë për shkak të

udhëtimeve zyrtare disa herë jashtë vendit gjatë muajit mars, për çka prezanton kopjen e faqes së pasaportës me vula hyrëse-dalëse si dhe ca ftesa zyrtare për të dëshmuar thëniet e veta. Në vazhdim i pandehuri shton se gjithashtu edhe angazhimet zyrtare kanë qenë arsye për deklarimin e pasurisë me vonesë, ai saktësisht me datë 06.04.2012 ka bërë deklarimin e pasurisë siç shihet nga korrespondenca elektronike e prezantuar nga ai vet dhe të njëjtën ditë ka marrë konfirmimin nga AKK për dorëzim të deklarimit të pasurisë pas afatit ligjor.

Nga të dhënat në kërkesë, vlerësimi i deklaratës së të pandehurit, provave materiale dhe shqyrtimi i shkresave të tjera të lëndës, administrimi i secilës veç e veç dhe të gjitha së bashku, gjyqtarja në masë të mjaftueshme vërtetoi gjendjen e plotë dhe të drejtë faktike, ekzistimin e veprës kundërvajtëse dhe përgjegjësisë së të pandehurit për këtë kundërvajtje, meqë ndonëse ia fali besimin provave materiale të prezantuara të cilat dëshmojnë se kohë pas kohe gjatë muajit mars vërtetë ka qenë jashtë vendit, nuk e arsyetoi, sepse i njëjti ligjërisht ka pasur mundësi të bëjë deklarimin e rregullt të pasurisë deri më datë 31.03.2012 e jo vetëm me datë 31.03.2012, pra edhe para datës së udhëtimit, ngase edhe nga vitet paraprake edhe këtë vit ka qenë fare mirë i njoftuar për obligimin e deklarimit të pasurisë, e posaçërisht duke e ditur se do të jetë në udhëtim zyrtar ka mundur të planifikojë më mirë kohën, por thjeshtë i njëjti e ka neglizhuar çështjen duke mos e përfillur obligimin ligjor, andaj gjyqtarja për kundërvajtjen e kryer i shqiptoi dënimin e paraparë ligjor.

Gjatë shqiptimit të dënimit gjyqtarja pati parasysh rrethanat nga neni 7 i LK në të cilat është kryer kundërvajtja dhe sipas peshës së kundërvajtjes e shkallës së përgjegjësisë së pandehurit, e duke vlerësuar edhe personalitetin e të pandehurit e lartësinë e pagës mujore, të njëjtin e dënoi me dënimin me gjobë të precizuar si në dispozitiv të këtij aktvendimi, me bindje se edhe me një gjobë të tillë do të arrihet qëllimi i ndëshkimit dhe se i pandehuri në të ardhmen do të shmanget nga kryerja e ndonjë kundërvajtjeje të natyrës së tillë apo të ngjashme.

Me sa u tha më lartë u vendos si në dispozitiv të këtij aktvendimi.

U VENDOS NË GJYKATËN KOMUNALE PËR KUNDËRVAJTJE NË PRISHTINË
Nr.regj.14832/2012, datë 30.06.2012

Gjyqtarja

Suzana Çerkini



KESHILLA JURIDIKE kundërvajtjen e kryer i shqiptoi dënimin me gjobë të precizuar si në dispozitiv të këtij aktvendimi pala e pakënaqur ka të drejtë ankese në afat prej 8 ditësh taksa. Gjykatës së Lartë për Kundërvajtje në Prishtinë, nga data e pranimi të njëjtit nëpërmjet kësaj gjykate, pa